

মুচ্ছ'না

“চিন্তামণি”, “দেশের কাজ” প্রভৃতি প্রণেতা

শ্রীচণ্ডীদাস মুখোপাধ্যায়

প্রণীত ।

দ্বিতীয় সংস্করণ

সত্যব্রত লাইব্রেরী কর্তৃক প্রকাশিত

১২৭ নং কৰ্ণওয়ালিশ স্ট্রীট

কলিকাতা ।

১৯৩৩ ।

মূল্য ৫০ বাব আনা

প্রকাশক—

শ্রীশশিকুমার গুহ,
১৯৭ নং বর্গওয়ালিশ ষ্ট্রীট,
কলিকাতা ।

গ্রন্থকারের সর্বস্বত্বসংরক্ষিত

প্রিণ্টার :—শ্রীশশিভূষণ পাল,
মেট্রিকাল প্রেস
৯৯ নং রাজা গুরুদাস ষ্ট্রীট, কলিকাতা ।

উৎসর্গ পত্র

সুপ্রসিদ্ধ ঐতিহাসিক

শ্রীমুক্ত মুনীন্দ্রপ্রসাদ সর্বাধিকারী

মহাশয়ের নামে

এই গ্রন্থ

উৎসর্গ করিল ।

ভূমিকা

জাগতিক ব্যাপার যাহা মনোরাজ্যে প্রতিনিয়ত সংঘটিত হইতেছে, তাহা নিত্য স্বতঃসিদ্ধ ভাবের সহিত অলঙ্কিতে এক অলৌকিক বৈদ্যুতিক শক্তির সংমিশ্রণে, মানবের মস্তিষ্কের স্নায়ুশৃঙ্খলাতে আঘাতপ্রাপ্ত হইবামাত্রই, উত্তেজিত ধমনীর প্রতি-স্পন্দনে মানুষ কি জানি কেমন হইয়া যায়। সে সংসার-ভারাক্রান্ত জীবনের ঘাত-প্রতিঘাতে, ভাগ্যচক্রের কুটিল আবর্তনে, বিগ্ন-নিয়ন্তার নিয়ন্ত্রিত শক্তিপুঞ্জের মধ্যে, তাহার জীবনের বাস্তব ঘটনা সকল প্রত্যক্ষ করিয়াও এক অভূতপূর্ব অমৃতনিশ্চিন্দনী রস লাভের জন্ম ব্যাকুল হয়। এই রসই “আনন্দ” নামে অভিহিত। আনন্দলাভের জন্মই সাহিত্য-সেবায় ব্রতী হইয়াছি। লাভ হইবে কি না তাহা জানি না; তবে এই মাত্র জানি, কবি-যশাকাজক্ষী হইয়া মাতৃচরণ স্পর্শ করি নাই। মাতৃচরণ স্পর্শ করিয়াছি সংসারের নিদারুণ জ্বালা যন্ত্রণার মধ্য হইতে শাস্তি স্বচ্ছ প্রবাহিনী মাতৃপাদোদকপানে জ্বালা জুড়াইতে। মাতৃচরণ স্পর্শ করিয়াছি কলুষিত হৃদয়ের কুটিল ভাব হইতে, নিখিল ব্রহ্মাণ্ড সমুদ্ভূত আধিদৈবিক, আধিভৌতিক ও আধ্যাত্মিক ভাব সংস্পৃষ্ট আনন্দময়ীর স্নেহ-বিগলিত মাতৃনাম জিহ্বায় উচ্চারণ করিতে। জানি না, ভাষার

মধ্যে যদি কোনও অপরাধ হইয়া থাকে, যদি কোনও স্থলে
 উন্দের কিম্বা ভাবের ব্যতিক্রম ঘটিয়া থাকে। সহৃদয় পাঠক
 ও সুযোগ্য সমালোচক মহাশয় নিজগুণে ক্ষমা করিবেন।
 অলমেতি বিস্তারেণ।

২৩০১২ অপার চিৎপুর রোড, }
 বাগ্নাজার কলিকাতা। }

বিনীত —

প্রমুদকর

সূচীপত্র

বিষয়	পৃষ্ঠা	বিষয়	পৃষ্ঠা
কবির উদ্দেশে ...	১	পূর্ণকান	২৬
তুমি মা আপনি জাগ	২	অন্ধিরে গির	২৭
নাই কোথা ...	৪	ভাগবাসা	২৮
মৃত্যুর প্রতি ...	৫	পূর্ণ	২৯
আছান	৬	মায়েব রূপ	৩০
দেবতা আমার ...	৭	ভারতের নারী	৩১
কাদা হাসা ...	৮	স্ব-ভাবের শোভা	৩৪
স্বামী বিবেকানন্দের প্রতি	৯	মরি কিবা স্তন্য	৩৫
নিয়তির প্রতি ...	১০	আখি ও রূপ	৩৬
মধুরে গভীর ...	১১	দূরে	৩৭
অপূর্ব	১২	স্তন্য	৩৮
সুখ কোথায়	১৪	প্রেমিক	৩৯
সন্তোষ	১৭	বাক্য	৪০
ধারা ...	১৯	মরণের কাছ	৪২
গায়:	২০	উদ্বোধন	৪৩
প্রেম ...	২১	মহাত্মার প্রতি	৪৭
ভিখারীর ধন ...	২২	তিরোধন	৪৮
মা ও আমি ...	২৪	বিদায় গীতি	৫০

বিষয়	পৃষ্ঠা	বিষয়	পৃষ্ঠা
স্মৃতি তর্পণ ...	৫১	লেজুড় ...	৫৬
নিপিনকৃষ্ণ রায়ের প্রতি	৫২	শ্রীমতী সারোজ ...	৫৭
জন্মভূমি ...	৫৩	ত্রিভুজ ...	৫৮
পৌরুষ ...	৫৩	ক্যাব্‌লারাম ...	৬০
প্রেম ...	৫৪	মজার চোর ...	৬৩
নিত্য ও অনিত্য ...	৫৪	ঠাকুরদাদা ও নাতনী	৬৬
উদাসীন ...	৫৫	একজাত ...	৬৯
ছুঃখী ...	৫৫	ক্যান্সি ...	৭১
পূজা ...	৫৫		



কৃষ্ণ বসুসে

১৯২৭

সুচ্ছনা

—*—

কবির উদ্দেশ্যে :

কোন মরকত কুঞ্জে নীরবে একাকা
মগ্ন হয়ে কার ধ্যানে নগ্ন উদাসীন,
হে যোগী ! হে কবি ! তব মানস-কুঞ্জেতে
ফুটেছিল কোন ফুল অচূত গৌরভে !
বিশাল গভীর প্রেমে বিশ্ব জগতেরে
টানিয়া আপন বক্ষে প্রথমেতে ধীরে ;
বলেছিলে কোন এক অস্বোষিত বাণী ।
তরঙ্গিত বায়ুস্তরে প্রতিধ্বনি নেই—
ধীরে ধীরে নেমে এনে নভঃপ্রান্ত হতে
উঠেছিল বেজে কি গো ষড়্জ বন্ধার ?
যেন দূর অতীতের অচ্ছেদ বন্ধনে—
লয়ে বিশ্ব পরমাণু বিরাট আত্মায়
করিল গো আবাহন বিশ্ব দেবতার,
হে কবি ! তোমারে আগে করি নমস্কার ।

—*—

মূৰ্ছনা

ভূমি মা আপনি জাগো !

কি দিয়ে সাজাব মাগো !

কি দিব তোমায়,
নাহিক রতনমণি

উজ্জ্বল শোভায় ।

হৃদয়ে নাহিক ভক্তি

অরুণ কিরণ রাশি,
কি দিয়ে ফোটাৰ মাগো !

তোমার মধুর হাসি ?
ছিল তোৰ পুত্ৰ যারা,

শুধু মা তোমারি ধ্যানে
পেয়েছিল মহাৰত্ন

খুঁজে খুঁজে তত্ত্বজ্ঞানে ।
ধৰ্ম্ম অর্থ কাম মোক্ষ

জলাঞ্জলি দিয়ে আশা
জাগাইল তোৰে মাগো

নিয়ে ভক্ত ভালবাসা ।

“প্রসাদ” সাজালে তোৰে

ফুল দিয়ে পা দু’খানি
সাজাইল “চণ্ডীদাস”

সোণার মুকুট আনি’ ।

মূৰ্ছনা

বিনিন্দিত সুরবীণা

ল'য়ে ষড় দরশন,

সাজাইল, “রামকৃষ্ণ”

করে দীন আকিঞ্চন ।

বাজিল কি শঙ্খভেরী

উদ্বোধিত প্রাণ মন,

করিল কি মন্ত্রপূত

“শঙ্করের” আবাহন ?

আহ্লাদিনী শক্তি আদি

পূর্ণরূপে স্বপ্রকাশ,

প্রণমিল “শ্রীচৈতন্য”

চরণের হয়ে দাস ।

জাগিল অনন্ত ভাব

জগতের প্রতি স্তরে,

বিশ্ব উঠে পদপ্রান্তে

দাঁড়াইল জোড় করে ।

তোমাতে মিশিল সব

তখনি জাগিলে মাগো !

নাহিক আমার কিছু,

তুমি মা আপনি জাগে !

যাই কোথা ?

চলেছে জীবন-তরি অবিরাম স্রোতে
নাহি জানি শেষ কোথা, কোথা লয়ে যায় .
আসিতেছে ঝঞ্ঝাবাত মহাসিন্ধু হোতে
উত্তাল তরঙ্গ ক্ষুব্ধ গর্জিতেছে হায় !
কোথা যাই পথ নাই, কেমন নিয়তি
ঘুরে ঘুরে মরি শুধু আবর্ত সঙ্কুল ;
মুহুমুহুঃ আগে ধেয়ে তীব্র বেগে অতি
দুরু দুরু কাঁপে হিয়া নাহি পাই কূল !
মনে হয় ডুবে যাই তরঙ্গের মুখে
শোক তাপ নাহি ষথা, নাহি মায়া ছল,
নাহি খেলা নিয়তির কুটিল কৌতুকে
প্রতিহত জীবনের নিয়ে ভাগ্য ফল !
কিন্ হায় ! নাহি পারি তাজিতে কাহারে
বে যেন সন্মুখে ধরে বিশ্বের দর্পণ ;
স্নেহমাখা ছবিগুলি দেখি বারে বারে,
আর নাহি পারি যেতে, করে ছনয়ন।

মূৰ্ছনা

স্বপ্নের প্রাতঃ

তিলে বিরাম নাই মুহূর্তের তরে
পশ্চাতে পশ্চাতে তুমি আসিতেছ ছুটে,
লুকাইয়া মূর্তিধানি জগতের মাঝে
আছ কিগো প্রতীক্ষায় ধ্রুব লক্ষ্য করি' ?
জীবনের সেই দিন, যবে মেঘারত
কর্মক্লাস্ত জগতের অন্তর্মিত রবি ।
পুঞ্জীভূত তামসীর নিবিড় কালিমা,
আবরিয়া দশ দিক্ ধীরে ধীরে নাগি—
টানি ল'বে নিজ অন্ধে জীবন সন্ধ্যায় ।
নাহি যবে পা'ব তোরে ধরণীর কোলে,
হেরিতে সে মূর্তি তোর কালরূপা কালী
লয়ে নিত্য হৃদয়ের সজ্জা'ও বিপুল ।
ধরা দিব সেই দিন সিদ্ধ সাধনায়
তোর রূপ, তোর ধ্যান, সমাধির প্রায় ।

মূৰ্ছনা

আহ্বান :

এস ! এস ! তুমি শ্যশান রঙ্গিনী !
অস্থিপুঞ্জ শোভিতা মহাকাল সঙ্গিনী,
এস' রক্ত অধরে আয়ুধ করে
এস করালিনী !
অটু অটু হাস স্তব্ধ কম্পিত আকাশ
বাজে চরণ কিঙ্কিনী ;
উদ্দাম বিলাস তব শবোপরি নৃত্য তাণ্ডব
পাশব আহব বিলাসিনী
এস হৃদয়-আগনে জাগ্রত সাধনে
নাচ ত্র্যম্বক নিপীড়িনি !

মূৰ্ছনা

দেবতা আশান্ন :

(১)

কঠোর করকাষাত, ক্ষণে ক্ষণে বজ্রপাত,
ছুটিতেছে দিনরাত, যেন মহা-ঝঞ্ঝাবাত,
সংসারের হাহাকার, প্রাণে ছবি জাগে ষা'র,

প্রতি রক্ষে জাগে মর্মে সাধ অনিবার ।

যেখানেতে কাঁদা হান্না, ষাতনাকে ভালবাসা;
সেই ত দেবতা হয়ে রয়েছে আগার,
মাথা পেতে পদধূলি লই আমি তা'র ।

(২)

কাল যেথা স্মৃতি রাখে, যতনে যে দেখে থাকে,
ছোট্টে তপ্তশাস তায়, ধূ ধূ করে ছলে যায়,
ফেলে দিয়ে কোল থেকে, কালের কোলেতে রেখে,
হাসি মুখে দেখে শুধু প্রেমের সংসার ।

জন্ম মরণ থেকে, আছে ভঙ্গু গায়ে মেখে ;
দেবতা আমার সে যে চির নাধনার,
মাথা পেতে পদধূলি লই আমি তার ।



যুঁহুনা

কঁাদা হাসা ?

শুধু যায় আর আসে ।

আসে, থাকে কিছুকাল, ফেরে তার পাছে কাল,

নিয়ে আছে তারে নিজ হৃদি-বাসে ।

সেও বাসে তাই, খেলিতে সদাই,

রূপ হয়ে ছাই—যায় মিশে আকাশে ।

শুধু সেই থাকে, আর পাবে কা'কে,

স্মৃতি নিয়ে সব কঁাদে হাসে !

মূৰ্ছনা

আমী বিনেকানন্দেন্দ্ৰ প্রতি :

অদম্য উজ্জ্বল লয়ে হে সাধক বীর !
কৰ্মক্লাস্ত জীবনের কঠোর সাধনে,
উঠেছিল জেগে কি গো আত্মার সম্মান ?
লভিতে অক্ষয় পদ চির বাহুিতের !
এ'কেছিলে মূৰ্ত্তিখানি কোন্ খানে বসি'
কোন্ মহাশূন্যো'পরে সাধের আসন
পেতেছিলে অনন্তের আদি যুগ হতে ;
উদ্দীপিত শক্তি সেথা মন্ত্র সিদ্ধ বাণী
করিলে কি উচ্চারিত গভীর নিৰ্বোধে ?
তুচ্ছ ভাবি' সংসারের পদ-মৰ্যাদায়
শ্বেচ্ছায় পাতিয়া বুক বিশ্বের সম্মুখে ;
পরাভূত করি নিত্য নিয়তির খেলা
অব্যক্ত আনন্দে এক চিগ্নয় আত্মার,
পূৰ্ণ অভিব্যক্তি সেথা' সন্ন্যাসী তোমার ।

মুছনা

বিস্মৃতির প্রতি :

বিধাতার বিধিলিপি অপূৰ্ণ কৌশলে
হইয়াছে করগত হে নিয়তি তোর !
কটাক্ষ ইঞ্জিতে দেব ইন্দ্র হারা'য়ে
পুরানুরে ঘন্থ যবে তুমুল সংগ্রাম !
লভিতে বিজয়-লক্ষ্মী উঠেছিল জেগে
বিশ্বের সকল শক্তি বিপুল বিক্রমে,
সে কি মূৰ্ত্তি হেরি তোর চামুণ্ডারূপিনী
বিধাতা কাঁপিল ত্রাসে বিস্ময়ে শিহরি' !
মূৰ্ছাগত সেই দণ্ডে, যেন মহাকাল
অনন্ত শয়নে লভি পদাসুজ তোর,
ধারণ করিল বক্ষে মহেশ্বরী জ্ঞানে ।
দেখিল কি চিত্তমাঝে লুকাইয়া রাখি,
সেকি তোর নয়নের আবরিত হাসি ?
অথবা দাঁড়া'য়ে সেথা আছ সৰ্বনাশী ।

মূৰ্ছনা

অম্বুনের গাভীনা :

অনিন্দ্য যৌবন-কলা কুমুম স্তবক,
ধরে ধরে সুসজ্জিত ফুটন্ত মাধুরী,
ভুবনমোহিনী নারী করিয়াছে চুরি
চেয়ে অঁাখি তার পানে নড়েনা পলক ।
অঁাখিতে রূপেতে মিশে হইয়াছে স্থির,
হইয়াছে শাস্ত যেন মূৰ্ত্তি নমাধির ।

সূৰ্ছনা

অপূৰ্ণ :

(১)

অপূৰ্ণ ভৱেৰ দৃশ্য প্ৰেমের সঙ্কানে ।
পুত্ৰ ডাকে মা মা বোলে জননী লইল কোলে
আদরে রাখিল ফেলে লুকাইয়া প্ৰাণে ;
স্বীৰোধ-মস্থিত শুন, আনন্দ সে অতুলন,
উধলি উঠিল স্নেহে জননী সস্তানে ।
জননী চাহিল দিতে পুত্ৰ যায় কেড়ে নিতে
অপূৰ্ণ ভৱেৰ দৃশ্য প্ৰেমের সঙ্কানে ।

(২)

অপূৰ্ণ ভৱেৰ দৃশ্য প্ৰেমের সঙ্কানে ।
চরণে লুটীয়ে পড়ে বিশ্ব যেন যায় ধ'রে
অজানিত পথে এক দেবতার স্থানে,
অপূৰ্ণ ভৱেৰ দৃশ্য প্ৰেমের সঙ্কানে !

মূৰ্ছনা

(৩)

অপূৰ্ব ভৱেৰ দৃশ্য প্ৰেমেৰ সন্ধানে
জগৎ চাহিয়াছিল অমনি সে দাঁড়াইল
নয়নেৰ কাছে আসি অতি সাবধানে,
গেল কি বাজায়ে বাঁশী কাণেৰ নিকটে আসি
বাজিল কি সপ্তসুৰে হৃদি-মাঝখানে ।
মোহন মধুৰ ছবি, ভাবুক দেখিল কবি,
গোপনে দেখিল ভক্ৰ চৰণেৰ পানে,
অপূৰ্ব ভৱেৰ দৃশ্য প্ৰেমেৰ সন্ধানে ।

যুচ্ছনা

সুখ কোথায় ?

(১)

কে বলেরে এ সংসার সুখের আকর !
যে দিকে চাহিয়া থাকি,
ভেসে শুধু যায় অঁখি,
আর্তনাদ হাহাকারে জগৎ কাতর !

(২)

ওই দেখ সংসারের দৃশ্য ভয়কর !
হারিয়ে অঞ্চল নিধি,
“দাও-গো ফিরায়ে বিধি,”
কাঁদিতোছে উন্মাদিনী মর্মভেদী স্বর ।

(৩)

দারিদ্র্য-পীড়িত কেহ তৃণশয্যাপরি -
অন্নভাবে অনশনে,
জয়াপুত্র পরিজনে,
সহিতোছে ব্যথা শুধু দিবস শরীরী ।

মুর্ছন;

(৪)

কোথা বা নাজান ঘর হয়েছে শ্মশান
রঙ্গ ভঙ্গ থেমে গেছে,
অভিনয় ফুরিয়েছে,
একে একে সব হায় করেছে প্রয়াণ !

(৫)

প্রেমের ছলনে ঘুরি' প্রেমিক পাগল ।
দিয়ে আশে জলাঞ্জলি,
সেখায় গিয়াছে চলি'
নাহি যথা সংসারের কোন কোলাহল !

(৬)

হারাইয়া ভাগ্য যশ উন্মাদের প্রায় ।
কেহ বা গহন বনে,
যেন কার অশ্বেষণে,
সাজিয়া সন্ন্যাসী কেহ প্রাণের ছালায় ।

(৭)

প্রস্ফুট কুমুম কোথা ছিন্ন স্বর্ণলতা !
অশ্রুগিক্ত ভূমিতলে,
পদ্ম যেন ভানে জলে,
ল'য়ে বক্ষে প্রণয়ের আরাধ্য দেবতা ।

যুঁজনা

(৩)

না জাগিতে ভালবাসা কে জানে কখন ।
মেঘ এনে চাঁদ ঢেকে,
বারি বজ্র আনে ডেকে,
চাঁদ ফুল ভুলে যায় কার কে আপন ।

(৯)

সুখ আশা মিছে ভবে, খুঁজি কোথা' আর ?
নাহি হেথা' মেটে আশা,
মিছে শুধু ভালবাসা,
আছে কি তোমাতে সুখ নিষ্ঠুর সংসার ?

(১০)

তোমাতেই আছে সুখ যদি ভাগ্য ফলে ।
হেরি রূপা-রুণা তাঁর,
প্রতি কার্যে অনিবার,
যাঁহার ইন্দ্ৰিতে সুখে কোটি বিশ্ব চলে ।

যুঁজনা

সঙ্কোচ :

(১)

আঁখি শুধু তারে চায় দেখিতে পাগল—
হৃদয়ে দিয়াছি স্থান,
পাছে শূন্য হয় প্রাণ,
সেই ধ্যান, সেই জ্ঞান, জীবন সম্বল !

(২)

প্রতিদৃষ্টি মাঝে তার কি দেখিতে পাই—
কি লাবণ্য মধুরতা,
অন্তরে সরল প্রাণ;
আমি যে দেখিতে বড় ভালবাসি তাই ।

(৩)

ভালবাসি তারে আমি তাই প্রাণ চায় ।
জেগে ওঠে কি আনন্দ,
জাগে ভাষা জাগে ছন্দ,
নয়নের কাছে এসে যখন দাঁড়ায় ।

মূৰ্ছনা

(৪)

ধ্যানে ডুবে যায় যোগী জাগ্ৰত ধরায় !
প্ৰেমিক পাগল কবি,
অভিনব দেখে ছবি,
প্ৰহেলিকা জগতের ভেঙ্গে চূরে যায় ।

(৫)

হেরি বিশ্বে রূপ তার প্ৰতি লহমায় ।
ফুটে হৃদি-পদ্মাসনে,
জীবনের প্ৰতিক্ষণে,
সে আমারে ল'য়ে যায় কে জানে কোথায় !

সুচ্ছনা

খান্না ১

নীরবে বসিয়া বালা যমুনার তীরে
রূপের তরঙ্গ ল'য়ে খেলিতেছে একা,
পড়িয়াছে ছায়া তার শ্যাম স্বচ্ছ নীরে
বিকশিত কিশলয় প্রতি অঙ্গ রেখা ।
হাসে, কাঁদে, গায় সে যে আপনার মনে,
রেখে ছুটি হাত নিজ দেবতার পায়,
কোন্ এক দূরদেশে অজ্ঞাত স্বপনে
জীবনের সাধ যত ভেসে যেন যায় ।
যায় শেষে বয়ে যায় অনন্তের কূলে
অশ্রুসিক্ত হৃদয়ের ল'য়ে গুরু ভার,
আরোপিত দেবতার পদপ্রান্তমূলে
হয়ে যায় শত ধারা, শত পারাবার !

মূৰ্ছনা

আত্মা ?

মানস-প্রতিমা খানি

নয়নের কাছে আনি

ভুবনমোহিনী যেন সম্মুখে দাঁড়ায়,

অনাদি অনন্তকাল

গগনে সে পেতে জ্বাল

অপরূপ রূপে এক মূৰ্ত্তি জাগায় ।

যুচ্ছনা

প্রেম ।

অঁধারে বিশ্ব প্লাবিত যখন,

এহ তারা শশী ছিলনা তপন,

মদিরা-মস্ত নাচিল প্রাণ করিল বিশ্ব-রচনা ।

গগনের কোলে মুক্ত বাতায়ন, সে দিন রূপ দেখিল নয়ন,

প্রণয়ের সেই প্রথম মিলন, সে দিন হইল দেখা দু'জনা ।

ভুবনে ভুবনে মাধুরী গ'লে, উথলি বিশ্ব পড়িল ঢ'লে,

জাগিয়া উঠিল অনন্ত নিখিলে, গভীর পুলক চেতনা ।

হৃদয়ে জাগিল মূরতি মধুর, শ্রবণে বাজিল বাঁশরীর সুর,

মরমে বাজিল চরণ নূপুর, নিয়ে গেল চির বেদনা ।

নিয়ে গেল সব, হাসি টুকু রেখে, চরণের তলে নিয়ে গেল ডেকে,

আমি দেখিতে দেখিতে ফেলেছি গো দেখে, সে যে জগতে

মোর সাধনা ।

মূৰ্ছনা

মূৰ্ত্তি কঙ্কাল রুক্ষ কেশ-জাল
 ছিন্নবাস পরিধান,
মৰ্ম-যাতনায় উদর ছালায়
 করিছে শোণিত পান ।
(তোর) জায়া পুত্র প্রতি দেখরে দুর্গতি
 পলে পলে মৃত্যু-ত্রাস,
নাহি সরে কথা অসহ সে ব্যথা
 নিয়তির পরিহাস ।
ল'য়ে গুরু-ভার আশ্রম সংসার
 জনক-জননী তোর,
জনক মূৰ্ছিত জননী লুপ্তিত
 নয়নে ঝরিছে লোর ।
লভিয়া জনম তুই নরাধম
 নাহি দয়া কমলার,
যে দেখিবে মুখ বাড়িবে অমুখ
 উপজীবে দুঃখ তার" ।
করি তিরস্কার সকলে আবার
 হাসিল বিক্রপ হাসি,
নয়নের জল আছিল সখল
 অলক্ষ্যে পড়িল আসি !
হৃদয়ে তখনি হ'ল প্রতিধ্বনি
 কে যেন অস্তরে বলে,
আয়রে আতুর কাণ্ডাল ঠাকুর
 রেখেছে চরণ তলে ।

মুর্ছনা

মা ও আমি :

অভাব যত নিয়ে আমার
আপন প্রাণে ঢেলে দিয়ে,
ব্যথার ব্যথী আর কে এমন
মায়ের মত দয়া নিয়ে !
ঘুরতে ঘুরতে কেবল গো তাই
মায়ের কোলে আসি,
মা ছাড়া মোর কোথা বা স্থান
আমি মাকেই ভালবাসি ।
মা আছে তাই আছে জগৎ
বিশ্ব জুড়ে প্রাণ,
প্রাণে প্রাণে বইছে ধীরে
মধুর কেমন টান ।
মধুর স্নেহে ভরে গেছে
জগৎটা এই সারা,
যেন—কে কা'র মাঝে হারিয়ে গেছে
হয়ে আত্মহারা ।
তরুর কোলে লতা রাঙে
চাঁদের পাশে তারা ;

মুর্ছনা

গিরির পাশে নিৰ্ঝ'রিনী

মেঘের গায়ে ধারা ।

আকাশ পানে তাকিয়ে বা কেউ

ফুলের পানে চেয়ে,

কেউ আপন মনে উদাস প্রাণে

যাচ্ছে মধুর গেয়ে ।

স্বর্গ মর্ত্য ত্রিভুবনে

কোথায় আছে কে,

মায়ের মত ভাল এত

বাস্ততে পেরেছে ?

কালের মুখে যাচ্ছি চলে

মা যে কেড়ে নিচ্ছে কোলে,

হেসে খেলে ঘুমিয়ে পড়ি

জাগি আবার মা মা বোলে ।

মূৰ্ছনা

পূৰ্ণকাম ।

(১)

মদনের প্রতিমূৰ্ত্তি রতির ছায়ায়,
রতি তাকে আলিঙ্গনে কেবল জাগায় ।
অঙ্গেতে মিশিয়া অঙ্গ,
অনঙ্গের একি রঙ্গ,
ক্রান্ত ভঙ্গিমা ভাব ত্রিভঙ্গিম তায় ।

(২)

মদনমোহন ঠাম রাধা আর শ্যাম,
মহাভাব প্রকৃতির মিশে অবিরাম ।
আহ্লাদিনী রাধা অতি,
কৃষ্ণ স্ফূৰ্ত্তি পরিণতি ;
সেইখানে জগতের পূৰ্ণ মনস্কাম ।

অস্থিরে স্থির :

সৌভাগ্য কুমুম যবে ছিল প্রস্ফুটিত
জুটিত মধুপ কত ক্ষৌদ্র লালসায়,
করিত গুঞ্জন তারা নিত্য মোর পাশে,
জানাইত স্নেহ কত অব্যক্ত ভাসায় ।
মুগ্ধ হয়ে রহিতাম প্রণয়ে তাদের !
কিন্তু হায় জগতের প্রকৃতি কেমন,
শুকাইল যেই দণ্ডে ফুটন্ত প্রসূন
তখনি চরণে দলি ফিরাইল মুখ ।
না বুঝিল চিরদিন কোথা' আছে সুখ
রবি শশী ঘোরে ধরা—কোথা' এক ভাব !
অমানিশি কোথা' শশী অঁধারে লুকায়,
মেঘে ঢাকা মার্ত্তণ্ডের প্রভাব কোথায় !
নিয়তির আজ্ঞা-চক্রে ঘুরিছে জগৎ,
স্থির হয়ে আছে শুধু মহান্ মহৎ ।

যুঁহুনা

ভালবাসা :

তুমিই প্রথম সামনে এসে জগৎ মাঝে গেলে চ'লে,
বলেছিলে হবে দেখা তাই পথ দিয়ে যাই নিত্য চ'লে ।
প্রেমের ডোরে তুমিই মোরে, বেঁধেছিলে সোহাগ কোরে
বলেছিলে হাতে ধোরে, থাকবে ফুটে হৃদ-কমলে ।
দেখ'ব তুমি আছ ফুটে, জগৎ ভরা হাসি লুটে ;
মোহ নেশা যাবে ছুটে, পড়'ব তখন চরণ তলে ।
রূপ নয় সে চোখের নেশা, তোমার মাঝে গিয়ে মেশা,
তাই কি তোমার মুচ্কে হাসা, লুকিয়ে থেকেও আড়ালে ।
নয়ন আমার নয়ন তারা, বয়ে কবে পড়বে ধারা,
হৃদয় হবে সোহাগ ভরা, পাব তোমায় হাত বাড়ালে ।
খেলা তোমার কোন্ গগনে, চেয়ে দেখি রুন্দাবনে,
দেখি ব্রজাঙ্গনার হৃদয় মনে, দাঁড়িয়ে আছ কদম তলে ।
তোমায় আমার ছিল কথা, তুমি ব্যথার ব্যথী আমি ব্যথা,
তুমি প্রাণের মাঝে ব্যাকুলতা, জড়িয়ে বিশ্ব সকলে ।

যুচ্ছনা

পূর্ণঃ

(১)

আমি দেখেছি তারে নিঝুম রাতে

কৌমুদ-ধৌত যমুনা তটে,

মধুপ চুস্বিত মলয় বাতে

আমি এঁকেছি ছবি মানস পটে ,

(২)

আমি এঁকেছি ছবি পুণ্য প্রভাতে

শুভ্র কুমুম গন্ধে,

নিয়েছি অঁকিয়া হৃদয় সাধে

জীবনের নব ছন্দে !

(৩)

আমি মঞ্জুল বনে একাকী বসি

শুনেছি গো তার মুরলী স্বর,

ওই দেখেছে শুধু তারকা শশী

আমি ডেকেছি দুটি জুড়িয়া কর ।

(৫)

তার চরণ প্রান্তে খেলিছে বিশ্ব

মঙ্গল গীতি রব,

সেথা হেরিলাম কি মধুর দৃশ্য

পূর্ণ সকল উৎসব ।

মূৰ্ছনা

আলোকৰ ৰূপ :

অঁধাৰ দেখে ভয়কে তোৱা বলিস্ কেন বিভীষিকা,
ভয় কোথারে ! মিছে কথা, সে যে মায়েৰ মূৰ্ত্তি অঁকা !
শ্মশান থেকে জেগে উঠে,
সকল ৰূপেৰ ৰূপটি ফুটে,
আলোক আলো ভ'ৰে গেছে, চক্ষু সূৰ্য্য পড়ে ঢাকা ।
মাথায় আছে মুকুট পৰা,
আপন দৰ্পে আপনি গড়া,
সতীৰ তেজে দাঁড়িয়ে আছে, হাতে মায়েৰ ৰুলি শঁখা ।

ভারতের নারী !

(১)

নারী !

ভারতের নারী ! তুমি বিশ্বে অবতরি—
লইয়াছ যেই দিন ধরণীর ভার
স্নেহ বিগলিতা, ধরণীর মাতা,
আজন্ম পূজিতা রাজ-রাজেশ্বরী ।

(২)

ভারতের নারী ! তুমি বিশ্বে অবতরি—
শিখালে মানবে আগে জগতের সেবা
দেখাইলে তারপর, এই বিশ্ব চরাচর,
নিখিল কদম্বে ঘেরা দাঁড়িয়ে শ্রীহরি ।

(৩)

ভারতের নারী ! তুমি বিশ্বে অবতরি—
জন্মগত অধিকার প্রদানি সন্তানে
দিলে নিত্য স্বাধীনতা, জন্ম মরণ কথা,
বলে দিলে কাণে কাণে মন্ত্রপূত করি ।

মূৰ্ছনা

(৪)

ভাৰতের নারী ! তুমি বিশ্বে অবতরি—
গোপনে করিলে ব্যক্ত রহস্য জটিল
সৃষ্টিতত্ত্বে মহামায়া, প্রলয়ের রুদ্ধ ছায়া,
মহাকালে মহাকালী মহামূৰ্ত্তি ধরি ।

(৫)

ভাৰতের নারী ! তুমি বিশ্বে অবতরি—
আনিলে কি স্বৰ্গ থেকে অমৃত আহরি ?
ব্যথিতে করিতে দান, কাঁদিল কি তব প্রাণ ?
অন্নপূৰ্ণা নামে তাই দিলে বিশ্ব ভরি ।

(৬)

ভাৰতের নারী ! তুমি বিশ্বে অবতরি—
সাজাইলে দেবতার মন্দির প্রাঙ্গণ
সুরভিত ফুল বাসে, দাঁড়িয়ে দেবতা পাশে,
ভক্তিময়ী মূৰ্ত্তিমতী সৰ্ব্বাঙ্গ আকরি ।

(৭)

ভাৰতের নারী ! তুমি বিশ্বে অবতরি—
মরুতে ফোটাতে ফুল সুরভি মঞ্জরী
স্বৰ্গ-মৰ্ত্ত্য—কোথা থেকে—? সৰ্ব্বাঙ্গে মাধুরী ঢেকে—
দাঁড়ালে সন্মুখে এসে বিশ্ব আলো করি ।

যুচ্ছনা

(৮)

ভারতের নারী ! তুমি বিশ্বে অবতরি—
চকিতে করিলে মুক্ধ এলায়ে কবরী
নয়নে করিলে দৃষ্টি, অমৃত মধুর সৃষ্টি,
জাগিয়া উঠিল নে কি পুলক লহরী ?

(৯)

ভারতের নারী ! তুমি বিশ্বে অবতরি—
জগতের মাঝে চির আদর্শ সত্যার
কোথায় দেখিব আর, তুলনা নাহিক যার,
অহল্যা দ্রৌপদী কুন্তী তারা মন্দোদরী ।

(১০)

ভারতের নারী ! তুমি বিশ্বে অবতরি—
কঠোর বৈধব্য খালা চাপি' বক্ষো'পরি
ভাঙ্গের অলস্ত ছবি, মা আমার ! তুমি দেবী !
তোমার চরণে কোটি নমস্কার করি ।

মূৰ্ছনা

স্ব-ভাবের শোভা :-

(১)

আপনাকে ভালবেসে আপনাতে আছে,
বিশ্বকে রাখিয়া টেনে হৃদয়ের কাছে ।
প্রকৃতি মধুর হয়ে, অপরূপ শোভা লয়ে,
জীবনের সারা বেলা যায় পাছে পাছে ।

(২)

স্ব-ভাবের শোভা তাই নয়ন জুড়ায়,
ফুটে আছে স্বভাবেতে স্ব-ভাব লুকায় ।
স্বভাবে স্ব-ভাব রেখে, সে ছবি কে নেবে এঁকে,
কারে কে দেখিবে সেথা, কে জাগে ঘুমায় ।

মূৰ্ছনা

অন্নি কিবা সুন্দর !

নয়ন মোহন কিবা স্বচ্ছ তব মানস মুকুর
তব নিরুপম রূপ তুমি আপনি নেহার ।

তব শুভ্র সুন্দর নিশ্চল জ্যোতি

ভাগে হৃদয়াকাশে হের সে মুরতি

তাহে কোটি শশী, মধুর হাসি, কিবা সুন্দর !

ভাব-ভবোচ্ছ্বাস, তুমি চির সুন্দর মানস !

এস এস ফিরে, জগতেরে ঘিরে,

তব নিখিলরূপ স্বরূপ প্রকাশ ।

চাহে তুষিত প্রাণ, আঁখি চাহে জ্যোতি সুন্দর

তোমাতে আমাতে মিলি দুজনাতে

খেলিতে খেলিতে মিশিব তাহাতে

শেষে হয়ে যাব তাই, তুমি আমি নাই—

মরি কিবা সুন্দর !

মুছনা

অঁখি ও রূপ :

অঁখি কহে—রূপ তোরে জুড়াই দেখে আমি ।

রূপ কহে—স্বৰ্গ থেকে তাই আমি ধরায় এসে নামি ॥

অঁখি কহে—আমি তোরে সৃষ্টি করি আগে ।

রূপ কহে—সে আমার স্পর্শ পেয়ে তবেই ত 'গো জাগে ॥

মৃচ্ছন

দূরে :

(১)

কুমুম-কলিকা করে কর' না পেষণ,

দূরে থেকে দেখে তারে সে আছে যেমন ।

ফুটে আছে এ ধরায়, আছে কি লুকান ভায়,

সরমে মরম ঢাকা দূরে সে কেমন !

(২)

হাসে চাঁদ সঙ্ক্যাকাশে নয়নের আগে,

কুমুদিনী ফুটে উঠে সারা নিশি জাগে ।

সারাদিন শূন্যমনে, লুকাইয়া প্রাণধনে,

কেঁদে কেঁদে ডাকে কত আবেশ সোহাগে ।

(৩)

দূরে থেকে ভালবাসা অঁখি ব'য়ে জল,

পড়ে যদি যাতনায় জনম সফল ।

এাণে ছবি জেগে ওঠে, ভালবাসা কোথা ফোটে ?

দূরে না কাছেতে কোথা ! কোথায় পাগল ?

সুন্দর

সুন্দর !

যদি কি সুন্দর !

আজি বা হানে বনস্থ অক্ষুট ফুটস্থ
অন্তরে অন্তরে খেলিছে অন্তর ।

আজি মঞ্জুল বনে পিক-কলোচ্ছাস,
জেগে তরুলতা নিয়ে ফুলশ্রাস,
আজি বিশ্বাস গভীর আকুল আখি নীর
গহচরী পাশে হানে সহচর ।

আজি চাঁদ গেছে গ'লে ধরাতলে ঢ'লে
তটিনী তরঙ্গে খেলা করে রঙ্গে
ঝরে মাধুরী-কণা ঝর ঝর ।
দশ-দিশি হাসি পূর্ণ শাস্ত্র ধীর
অনন্ত বিলাস মাঝে প্রকৃতির

আজি মধুর জীবন জাগে অনুরাগে
জাগে সুন্দর

প্রেমিক :

প্রেমিক যদি থাকে কেউ প্রেমিক তবে সে,
যে ফিরে ঘুরে ভুবন জুড়ে হৃদয় পেতেছে ।
শ্মশান যে তা'র সিদ্ধ পীঠ প্রেমের চরম স্থান,
কোকিল কুল নাহিক সেথা', নাইক পাখীর গান ।
ফুলের গন্ধ নাইক সেথা', বেড়ে লতিকায়,
গন্ধ সেথায় অনুরাগ, পাগল ভোলা তায় ।
তাই হৃদয়-মান্নে সদাই রাজে, মায়ে'র ছবি কালোবরণ,
পড়ে পদতলে আছে গ'লে মকরন্দ হয়ে মন ।
সৃষ্টি হতে এই নিয়মে মহান্ প্রকৃতির,
দেখেছে ছবি আপন মনে উদাস প্রাণে ধীর ।
দুই প্রাণেতে একটি প্রাণ হৃদয় ছুটি অ্যাক,
ভালবেসে পারিল যদি পরখ করে ছাখ ।

মূৰ্ছনা

স্বাভাৱ !

(১)

বীৰ ৰমণী চাহে বীৰ সন্তান,
কৰিতে চূৰ্ণ নিখিল শক্তি জাগা'তে প্ৰাণ
গড়িতে অস্থি বজ্ৰ সমান ।

কৰ অঙ্কিত শোণিত সিন্ধু জীবন মরণ সংগ্ৰাম ক্ষিপ্ত
কৰ-ধৃত দীপ্ত মুক্ত কুপাণ
চাহে বীৰ জননীৰ বীৰ সন্তান ।

(২)

বীৰ ৰমণী চাহে বীৰ সন্তান,
বাজ্জায়ে ভূৰ্য্য কাঁপায়ে সূৰ্য্য দূৰ বিমান
চৰম লক্ষ্য বিশ্বে মহান্ ।

মহান্ মন্ত্ৰে ধ্বনিত বাণী জনম-ভূমি জননী জানি
ভাবিল তুচ্ছ মোক্ষ নিৰ্ৰাণ !
কৰ অঙ্কিত শোণিত সিন্ধু জীবন মরণ সংগ্ৰাম ক্ষিপ্ত
কৰ-ধৃত দীপ্ত মুক্ত কুপাণ
চাহে বীৰ জননীৰ বীৰ সন্তান ।

মূৰ্ছনা

(৩)

বীর রমণী চাহে বীর সন্তান,
বিক্রম দৰ্পে লভিতে বিশ্বে গৌরব মান
জ্বিনিতে স্বৰ্গ দেবের স্থান ।

রস তাণ্ডবে পুলক মত্ত জাগিল চিত্তে গভীর তত্ত্ব
গোলক মৰ্ত্য্য করি' আহ্বান
চাহে বীর জননীৰ বীর সন্তান ।

মূৰ্ছনা

মরণের যাত্রী !

মরণে চরণ বাড়িয়ে দিয়ে কোথায় চলেছে যাত্রী সব
শিয়রে বাজিছে কালের ডঙ্কা, নাহিক শঙ্কা,

নাচিছে গম্মুখে পিশাচ তাণ্ডব ।

পথের মাঝেতে দাঁড়িয়ে আছে হানিয়া ভীষণ ক্রকুটী ভয়
জীবনে মরণে, তুন্মূল ঘর্ষণে, কে জানে কা'র হইবে জয় !

ভাগ্যলক্ষ্মী হইবে কার বিজয় দর্পে মুকুট হার —

কে পরিবে গলে বিক্রম ছলে

লইতে বক্ষে শত অত্যাচার ।

গম্মুখে পিছে বিকট ছায়া, ঘূর্ণিত আঁখি, লোহিত রক্ত জবা,

মারণ অস্ত্র, অনল শিখা, ছুটিছে চৌদিকে বিদ্যুৎ প্রভা,

তারি মাঝে আজ মরণ যাত্রী হানিয়া চলেছে বিপুল রবে

ওই শোনো বলে—“কোথা মা জগদ্ধাত্রী এস মা আজি

শ্মশান উৎসবে ।”

ছািলয়া চিতা শবের বুকে, এস মা নাচিয়া,

এস মা প্রলয় রুদ্ধ তালে,

উঠিছে আৰ্ত্ত করুণ রোল, মূৰ্ছিত ঘায়ে রুদ্ধ প্রাণ,

প্রেত বন্দী-শালে ।

তারি মাঝে আজ মরণ যাত্রী হানিয়া চলেছে বিপুল রবে

ওই শোনো বলে—“কোথা মা জগদ্ধাত্রী এস মা আজি

শ্মশান উৎসবে ।”

মূৰ্ছনা

উদ্বোধন :

(১)

জেগেছ ত যদি বঙ্গ ঘুমাও না আর ।
নারবে করিয়া যাও কার্য আপনার ॥
প্রতিজ্ঞায় ভর করি,
সহিষ্ণুতা হৃদে ধরি,
পরপণ্য চিরতরে কর পরিহার ।

(২)

জেগেছ ত যদি বঙ্গ ঘুমাও না আর ।
মনাতন ধর্ম পুনঃ করহ প্রচার ॥
নিজ নিজ পেশা ধরে,
কর্তব্য সাধন করে,
ঈগতের মাঝে লও নিজ অধিকার ।

(৩)

জেগেছ ত যদি বঙ্গ ঘুমাও না আর ।
ওই শোনো প্রতি গৃহে ওঠে হাহাকার ॥
এক মুষ্টি ভিন্ন তরে,
অর্থি বয়ে অঙ্গ বরে,
লুণ্ঠকে ফেলিছে গ্রাসি মুখের আহার ।

যুর্চ্ছনা

(৪)

জেগেছ ত যদি বঙ্গ ঘুমাওনা আর ।
বদনে কালিনী হের ভারত মাতার ॥

অধরে নাহিক হানি,
হইয়াছে পর-দাগী,
কিরাট পড়েছে খনি জলধির পার ।

(৫)

জেগেছ ত যদি বঙ্গ ঘুমাও না আর ।
যাহার অভাবে মোরা নরাধম ছার ॥

সে শিল্প বিজ্ঞান বলে,
বীর হয়ে ভূমণ্ডলে,
শির্ হতে ফেলে দাও দানত্বের ভার ।

(৬)

জেগেছ ত যদি বঙ্গ ঘুমাওনা আর ।
বীৰ্য্য শৌৰ্য্যে দীপ্ত কর লুপ্ত গরিমার ॥

জীবনের মহাদিন,
হইয়াছে সম্মুখীন,
মন্ত্রের সাধন কিম্বা শরীর সংহার ।

মূৰ্ছনা

(৭)

জেগেছ ত যদি বঙ্গ ঘুমাওনা আর ।
কত রাজা, কত দেশ, হ'ল ছাৰুখার ॥
নবাবের রাজ্য গেল,
বণিক প্রবল হ'ল,
কাল-চক্রে ঘুরিতেছে বিখাল সংসার ।

(৮)

জেগেছ ত যদি বঙ্গ ঘুমাও না আর ।
সামুক সহস্র বাধা ভীম ভীমাকার ॥
কিছু নাহি ক্ষতি ত্রায়,
অটল হিমাদ্রি প্রায়,
পুত্ৰ পুত্র পুত্র বেন প্রতিজ্ঞা সবার ।

(৯)

জেগেছ ত যদি বঙ্গ ঘুমাও না আর ।
হাদেশ বেরোপী কত আভে কুলাকার ॥
সমাজের অশাসনে,
রাখি নে পামরগণে,
শাস্তি দাও ননুচিত হুটিবে বিকার ।

মুর্ছনা

(১০)

জেগেছ ত যদি বঙ্গ ঘুমাও না আর ।
আশ্চরিক ভাবে কোথা হয় সুবিচার ?
প্রজা কঁাদে কর-ভারে,
কে রক্ষিবে বল তারে,
এ নহে বৈদেহী-পতি রূপ অযোধ্যার !

(১১)

জেগেছ ত যদি বঙ্গ ঘুমাও না আর ।
হইয়াছে এক গর্ভে জনম দৌহার ॥
হিন্দু আর মুসলমান,
বিনিময় কর প্রাণ,
তুই হৃদে হোক প্রেম মধুর লগ্নার ।

(১২)

জেগেছ ত যদি বঙ্গ ঘুমাও না আর ।
জীবন তাদের ধন, মহান্ উদার ॥
রাখিতে দেশের মান,
নঁ পিয়াছে যারা প্রাণ,
ভক্তিভরে তাঁহাদের কর নমস্কার ।

১৩১২ সালে বঙ্গের অঙ্গচ্ছেদ উপলক্ষে লিখিত হয়, এবং বিডন্ স্কোয়ার
মহাসভায় প্রস্তুত কর্তৃক পঠিত হয় । স্বর্গীয় বিপিনচন্দ্র পাল সেই সভায়
সভাপতি ছিলেন ।

মহাত্মাৰ প্ৰতি :

জীবনের প্ৰতিদিন প্ৰতিধামে অবিরাম
জপিয়াছ যেই মন্ত্ৰ আজি তার নীরব সংগ্ৰাম !
বাহিৰিলে তাই কি গো ত্যজিয়া আশ্ৰম ?
নন্দ্যাসী ত্যাগীৰ মত কঠোর সংযম ।
লক্ষ্য নাহি কোন দিকে, শুধু লক্ষ্য স্থল
ভাৰতের মুক্তি যেথা' বিশ্বের মঙ্গল !
জপ তপ ধ্যান সেই, মুখে শুধু নেই কথা
নয়নে গলিত ধারা হৃদয়ে দারুণ ব্যথা,
কে বুঝিবে তব ব্যথা আছে হেন কার প্ৰাণ
তাই কি চলেছ আজ বলে দিতে সে সন্ধান ?
সকলের আগে তুমি দাঁড়াইলে এনে,
জীবন মরণ পণ মহান্ উদ্দেশে !
অহিংসা সত্যের পথে লয়ে অভিযান্
হে মহাত্মা ! জয় তব ধ্ৰুব সত্য, কবি গাহে গান ।

* ১৩৩৬ সালে মহাত্মা প্ৰথম যখন সৰৱমতী আশ্ৰম ত্যাগ কৰিলা
আইন অমান্য আন্দোলন আৰম্ভ কৰেন সেই উপলক্ষে লিখিত হয় ও
সাপ্তাহিক 'শিশিৰ' পত্ৰিকাৰ প্ৰকাশিত হয় ।

সূচনা

ভিব্রোয়ান :

(১)

দেশবন্ধু ছিলে তুমি চির মুক্ত প্রাণ,
গেয়েছিলে যেই দিন মহামন্ত্র গান !

যুগ যুগান্তের কথা,
ভারতের স্বাধীনতা,
বলেছিলে বজ্রকণ্ঠে দেবতার দান !

(২)

স্বক জড় পশু শক্তি তব মহিমায়,
অন্ধ গিয়ে জগতের সম্মুখে দাঁড়ায় !

ভাঁকু যেবা হীন বল,
সিঙ্কু সম পায় বল,
পাপ বুকি পুণ্য হয়ে মুক্ত করে দায় ।

(৩)

জন্মভূমি জনমীর শত লাঞ্ছনায়,
শিশু বুকি বীরদর্পে ওই ছুটে যায় ।
ওই ওই মেঘসুরে,
বজ্র লয়ে খেলা করে,
স্বহা হানে জীবনের নিত্য সাধনায় ।

যুঁহুনা

(৪)

ছুৰ্ৰলৈৰ অত্যাচাৰী যে আছ যেথায়,
দেখ, তোৱা দেখু আজ নৱ দেবতায় ।
নৱ নাৰী লক্ষ প্ৰাণী,
সত্ৰাটেৰ শ্ৰেষ্ঠ মানি,
পূজা কৰে লয়ে যাৱে বিৰাট আত্মায় ।

(৫)

চিৱ ভক্ত দান নে যে বক্ষ জননাৱ,
সমাপিন্দু হয়ে আজ বণ শ্ৰান্ত বীৰ—
যেন বণ-শয্যা পৰি,
আত্মাৱে বৰণ কৰি,
উঠিল গো মহাব্যোমে উৰ্দ্ধে সবিভীৰ ।

মুর্ছনা

বিদায় গীতি :

মায়ের ছেলে চলে গেছে দেশটা করে অন্ধকার ।
(৩)তার মুখে প্রাণে, কথায় কাজে, ছিলনাক ভেতর বার ।
 জীবনটাকে টেনে শেষ,
 বরণ করে সকল ক্লেশ,
করেছিল মায়ের সেবা, কোথায় কেবা এমন আর ।
 দশের ব্যথা বুকে নিয়ে,
 পেছুন থেকে সামনে গিয়ে,
জয় করে নে চলে গেছে বিদায় নিয়ে বিজয়ার ।
 চিত্তরঞ্জন ছিলরে সে,
 যুগে যুগে বাংলা দেশে,
অশ্রুফলে বায়রে ভেদে সারা বঙ্গে হাহাকার !

স্মৃতি তর্পণ :

এক পুত্র শোকে সত্য জর্জরিত হয়ে
না জুড়াতে নেই ছালা, না মুছিতে আঁখি,
কালের কঠোর শেল দারুণ আঘাত
আবার বাজিল বুকে হে বঙ্গ জননী !
প্রতিভার বর পুত্র বিবিধ কলায়,
লভি শ্রেষ্ঠ অধিকার ধন্য করি তোরে—
চলে গেল ভারতের কুল-শিরোমণি ।
দেবোচিত গরিমায় আদর্শ আপন
রাখি বাণী পদতলে নিত্য পূজি তায়—
স্বজাতি কল্যাণ সাধি' নিভীক হৃদয়ে
উপেক্ষা করিয়া ভঙ্গী রাজ পুরুষের,
লয়ে বিশ্ব-বিদ্যালয় জীবনের ব্রত
রেখে গেল অসমাপ্ত করিবে কে আর !
সে যে ছিল “আশুতোষ” তুলনা তাহার ।
ভাগ্যহীন বাঙালীর গেছে চলে সব
আছে শুধু চোখে জল স্মৃতির গৌরব ।

* আশুতোষ চৌধুরী মারা বাবার এক সপ্তাহ পরেই স্মারু আশুতোষ
মুখোপাধ্যায়ের মৃত্যু হয়। “বঙ্গীয় সাহিত্য পরিষদে” গ্রন্থকার কর্তৃক
পঠিত হয় ।

যুচ্ছনা

দশমহান্ন জমীদার নিপিনকুমার

হাসনের প্রতি :

কমলার:বরপুত্র বরণ্য ধীমান্
জীবনের শুভ কোন্ মুহূর্তের মাঝে,
ব্যথিতের ব্যথা সত্য করি অনুভব,
এসেছিলে লয়ে কি গো দেব আশীর্বাদ ?
ক্ষুধাতুরে অন্ন দিতে নিরাশ্রিত জনে
দায়গ্রস্ত ভিখারীর মুখ পানে চেয়ে—
দাঁড়াইয়া প্রতিদিন জগতের মাঝে
লয়েছ কি চিত্তভরি স্নেহ করুণায় ?
সেকি সত্য উদ্ভাসিত নয়নের জলে
হইয়াছে অভিষিক্ত আতুর সেবায় ?
দাতব্য আলয় স্থাপি ভেষজ মন্দির
“দশঘরা” পল্লীবাটে যশঃকীর্তি তব,
ব্রাহ্মণের সূত্ররূপে চির মহিমায়
অক্ষুণ্ণ গৌরব লয়ে থাকিবে ধরায় ।

যুচ্ছনা

জন্মভূমি :

যাহারে করিলে স্পর্শ, স্পর্শ হয় যার
পুণ্যতীর্থ পদঃরজ্জ সাধু মহাত্মার ।
জন্মভূমি সেই তব সকল সময়,
ভাবুকের চক্ষে তাহা পরম আশ্রয় ।

পৌরুষ ।

মৃত্যু যদি আসে, তবু নাহি ভয় তার,
পেয়েছে যে জগতের শ্রেষ্ঠ অধিকার ।
পরদুঃখে পরহিতে দিয়ে নিজ প্রাণ,
তুচ্ছ ভাবে বিধাতার শাসন বিধান ।

মূৰ্ছনা

প্ৰেম ।

মানুষ যেখানে হয়ে দেবতার মত,
ত্যাগ সেথা' চিরদিন জীবনের ব্রত ।
প্ৰাণ সেথা' আরোপিত জগতের কাজে,
লয়ে যায় প্ৰেম তারে ঈশ্বরের মানে ।

নিত্য ও অনিত্য ।

নিত্য যারে ভালবাসি ফেলি অঁাখি জল,
প্ৰাণ কাঁদে যার তরে নতন চঞ্চল ।
প্ৰতিদিন যার লাগি জীবন যাপন,
অনিত্যের মাঝে সে কি সত্যই আপন ?

মূৰ্ছনা

উদাসীন ।

অকাতরে ধন যদি করে কেহ দান,
বিনিময়ে পায় যদি অতুল সন্মান ।
তথাপি যে ভাবে মনে আপনারে দীন,
জগতের মাঝে সেই জেনো উদাসীন ।

দুঃখী ।

হোক সে সত্রাট কিম্বা রাজরাজেশ্বর,
তবু সে ভিখারী নিত্য হইয়া কাতর ।
নিত্য যার বাড়ে স্পৃহা সম্পদ আশায়,
তার মত দুঃখী আর কে আছে ধরায় ।

পূজা ।

দেবতার পূজা যেথা' নয়নের জল,
ভক্তি যেথা অর্ঘ্য লয়ে সহজ সরল ।
মন্ত্র যেথা' হৃদয়ের গোপনীয় ধন,
সঁপিয়াছে সেইখানে আপনারে মন ।

মূৰ্ছনা

লেজুড় :

অপেরা ও নাটক লেখে ফচ্কে কবি নাট্যকার,
সঙ্গে থাকে অভিনেতা সার রিয়ারস্থাল মাষ্টার ।
উকৌলবাবু আরজী লেখেন সঙ্গে থাকেন পেশ্কার,
ডায়ারী লেখেন দারোগা বাবু পেছ্ থাকে জমাদার !
কেরানী বাবু দরখাস্ত লেখেন দিয়ে প্রাণ মন,
সঙ্গে থাকে বড় সাহেব নাম মিষ্টার টম্‌সন্ ।
এডিটার কাগজ লেখেন নিয়ে কাণা কড়ি,
সঙ্গে থাকে ছ'কো কল্কে কলসী আর দড়ি ।
গোঁসাইজী মত্ৰ লেখেন কাণের মধ্যে দিয়ে,
সঙ্গে থাকে রন কলিপ্ৰেমের ধ্বজা নিয়ে ।
বিদ্বষীরা পদ্য লেখেন দিয়ে মিষ্টি গুড়,
সঙ্গে থাকে কোকিল-কবি ছন্দ বাঁধা সুর ।

ও যে সবারই লেজুড় !

শ্রীমতী সরোজ :

রামধনবাবু প্রেমিক বড় হ'ছেন তিনি স্কুল মাষ্টার,
দুঃখের বিষয় তাঁর স্ত্রী বিয়োগ হয়েছে আজ বছর চার ।
বিয়ে তিনি করবেন না আর স্থির করেছেন মনে,
ভাল হবে বাগেন কা'কে ভাবলেন একদিন গোপনে ।
বাড়ীতে তাঁর নেহাৎ ছিল পুরোণ একটা চাকর,
পড়'ল তার ওপরে ভালবাসা স্ত্রীর মত আদর ।
আদর যত পেয়ে “যেদো” সে দিন থেকে যাদুমণি,
ওগো সত্যি যেন হয়ে গেল রামধন বাবুর পত্নী ।
ভাঁড়ার ঘরে, রান্না ঘরে, সে দিন থেকে রোজ,
সংসার মে মাথায় করে যেমন ছিল “শ্রীমতী সরোজ” ।

মূৰ্ছনা

তিনি :

যাত্রা গাওনা হ'লে বেশ

ভীম নেমেছেন আসরে,

লক্ষ লক্ষ বেজায় দস্ত

গদা নিয়ে কাঁধে করে ।

রেগে গেলে থামান দায়,

জ্ঞান থাকে না দিগ্দিগ্,

“উপাড়িব নখাঘাতে”

সেটা কিন্তু আছে ঠিক ।

ভাব ভঙ্গী দোরস্ত বেশ

হয়ে আছে রোম্যানটিক,

কিন্তু তিনি সাজঘরেতে

এসে তিনু পরামাণিক !

কাচাটা তখনো আঁটা সাজঘরে ঢুকে:

তিনিই আসেন ফের কালি মেখে মুখে ।

বাঁদর সেজে তখন তিনু কিম্বা মস্ত হনুমান,

গদা তখন কাঁধে নাই আছে লাকুল প্রমাণ ।

মুর্ছনা

নানা মূর্তি ধরে তিনু—

আসল মূর্তি কিন্তু তার সাজ ঘরেতে আছে,

তামাক কল্কে বেমালুম নিয়ে আগে কাছে ।

সাজঘরেতে বসে আছেন দলের যিনি অধিকারী,

তারি মধ্যে করে চুরি সাবাস্ তিনু বলিহারী ।

হুঁহুনা

ক্যান্‌লালায় ?

(১)

ছেলেবেলায় বড় আমি ছিলাম শিষ্ট শাস্ত,
মায়ের কোলে থাকতুম শুয়ে জানত “কেষ্টকান্ত” ।
ছিলনা’ক বায়না মোটে,
চুমু সবাই খে’ত ঠোটে,
“কেষ্টকান্ত” লিখলে নোটে ঘটনা সব আছোপান্ত ।
সঙ্গে সঙ্গে লিখলে নাম,
“বিষ্ণুপুরের ক্যান্‌লা রাম,”
সিকে পাঁচেক ফেলে দাম ভেবে ভেবে প্রাণান্ত ।

(২)

বয়েস আমার বছর কুড়ি হ’ল যখন ঠিক,
বাবা হলেন ব্যস্ত বড় মায়ের চেয়ে অধিক ।
হাতে খড়ির দিনটা দেখে,
বাবা আমায় বল্লেন ডেকে,—
“পাঠশালায় কাল থেকে যেতে হবে খানিক খানিক ।”
মা কল্লেন আশীর্বাদ—
“হয়ে থাক তুই প্রহ্লাদ,”
নেদিন থেকে ঘট’ল প্রমাদ বুদ্ধি আমার বাতিক ।

২৫৮না

(৩)

আমায় নিয়ে গেল পাঠশালাতে করে বহু আয়োজন,
মাথাতে বই পর্ত্ত বোঝা সিঙিকের অনুমোদন ।

চল্লুম আমি আশ্বে আশ্বে,
দেখে সবাই লাগ'ল হাসতে,

গুরুমশাই কাশ্তে কাশ্তে ফেল্লে দেখে চাঁদবদন ।

দেখে প্রমাণ গোঁপ দাড়ী,
গুরুমশাই তাড়াতাড়ি,

দিলে তালপাতা এক গাড়ী লিখতে স্বর ব্যঞ্জন ।

দেখে আদি বর্ণ স্বর,
হ'ল ঘর্ম্মাক্ত কলেবর,

বেত নিয়ে অগ্রসর গুরুমশাই বিচক্ষণ ।

মলে দিয়ে দুটি কাণ,
বল্লে—“গাধা ছনুমান,”

কেষ্টকাস্ত লিখে যান যথারীতি দিয়ে মন ।

(৪)

বাবা আমার গতিক দেখে নিয়ে গেল ডাক্তার বাড়ী,
ডাক্তার দিলে পরামর্শ ফেলতে আমার গোঁপ দাড়ী ।

বাবা আমায় ঞাড়়া করে,
শুইয়ে রাখলে ঠাণ্ডা ঘরে,

মা দেখি না খানিক পরে, মাখম্ নিয়ে এক হাঁড়ি ।

মূর্ছনা

গায়ে মাথায় দিলে লেপে,
সত্যি আর্মি উঠলুম ক্ষেপে,
কেষ্টকাস্ত নাড়ী টিপে বল্লে বুদ্ধি বলিহারী ।
বল্লে বাবার কাণে কাণে,
বায়ু পিত্ত কফ টানে,
নিদান বুঝে সিধানে ওষুধ তখন আবকারী ।
ব্যানস্‌টা হ'ল ঠিক,
সে দিন পয়লা কার্তিক,
প্রাতে আফিম দাস্তবিক মধ্যাহ্নেতে ভাঙি ।
সন্ধ্যা বেলা অন্য রকম,
অনুপান তার হ'ল চরম,
পাঁঠার কোল আলুদম পলাপুর তরকারী ।
চলে কারণ করে শোধন,
দেখে বাবা নাচন কোঁদন,
তখন এনে দিলে গৌরবরণ ক'নে একটি মাঝারী ।
ডানা তার দুটি কাটা,
তবু দেখি মারে ঝাপটা,
গাছ পাঁচেক নিয়ে ঝাঁটা দেখে আমার বাড়াবাড়ি ।
কেষ্টকাস্ত বলে তখন,—
“ওষুধ ধর'ল এতক্ষণ,”
হয়ে ক্যাব্‌লারাম কি বিড়ম্বন হ'ল কেবল বকুমারী ।

অজ্ঞানৰ জোৰ :

মাস্‌টা বোধ হয় আঘাট হবে

সন্ধ্যা বেলা বসে ঘরে,

বাইরে থেকে বন্ধু এক

ডাক্‌চে আমায় উচ্চৈঃস্বরে ।

তরতরিয়ে সিঁড়ি দিয়ে

• আগচি আমি নেমে,

খানিকটা দূর এসে কিন্তু

দৌড় গেল থেমে ।

কোণের মানুষ যায় না দেখা

অমানস্‌তার রাত্‌,

একটা যেন মানুস তার

বাড়িয়ে দুটি হাত ।

উঠুন থেকে আসে যেন

আমার কাছে স'রে

ভয়ে আমি আঁত্‌কে উঠে

চৈচালুন্‌ খুব জোরে ।

ওমা এষে চোর যে গো ।

মুর্ছনা

এস এস সব,
বাড়ীময় পড়ে গেল
হৈ চৈ রব ।
গতিক বড় মন্দ দেখে
বলে তখন চোর—
“রাস বেহারীর ভাই রে আমি
বন্ধু যে রে তোর ।
ভয় দেখাব বলে তাই
খেয়াল উঠ'ল মনে,
সিঁড়ির তলায় গিয়ে আমি
লুকিয়ে ছিলাম কোণে ।
মুখুষ্যদের ছেলে আমি
পড়ি যে রোজ্ পাঠশালে,
আজকে আমি চল্লুম ভাই
আস'ব কাল সকালে ।”
এদিকেতে মেয়ে ছেলে
বাড়ীর যত লোক,
লাঠি সেটা নিয়ে সব
আসূচে করে রোক ।
সবাই তখন দেখে আমায়
চোরের কথা কয়,

মূৰ্ছনা

বস্তাস্তাটী ভেঙ্গে আমি
বললুম সমুদয় ।
অন্ধকারে মানুষ একটা
হয়েছিল ভয়,
চোরের মত দেখতে বটে
চোর কিন্তু নয় ।
মেয়ে মহলে গগুগোল
চোর নয় সে ভূত,
মায়ের মনে হ'ল তখন
বিষম একটা খুঁত ।
গড় কস্তে বলে সবাই
তুলসী তলায় গিয়ে,
স্নান করিয়ে দিলে আমায়
গোবর চোনা দিয়ে ।
বাড়ীর কাছে “শেতলা মা”
সবাই তাঁরে মেনে,
খেতে দিলে জলপড়া—
খানিকটা তাই এনে ।
ভূতের কথা নিয়ে সবাই
উঠ'ল সেদিন ক্ষেপে,
আমি কিন্তু হেসে মরি
বালিশে মুখ চেপে ।

ঠাকুরদাদা ও নাতনী:

নাতনী সবে এক পাণ্টা
শ্বশুর বাড়ী গিয়ে,
রঙ্গ রঙ্গ শিখেছে বেশ
বিয়ের কথা নিয়ে ।
ঠাকুরদাদা ঠাকুর মা তার
বুড়ো আর বুড়ী,
ফষ্টি নষ্টি করে নাতনী
দিয়ে বেশ চুমুকুড়ী ।
বুড়োবুড়ী দুজনাতে
শুয়ে আছে সঙ্ঘ্যে বেলা,
নাতনী এসে সিঁড়ির কাছে
চুপটি করে একেলা ।
ঠাকুরদাদা করেন কি
ঠাকুর মায়ের ভাবে,
আড়াকী পেতে শুনে নাতনী
সকলকে তাই জানাবে ।

মুর্ছনা

ঠাকুর দাদা ঠাকুরমাব
সে বয়েনটা গেছে,
হাসি রঙ্গ ছেড়ে সব
সংসারে মন ন'পেছে ।
রসের কথা বল'বে কে
“দাশু রায়ের” পাঁচালী,
যরে নাই চালু ডালু
বুড়ী তাই ভাবে খালি ।
বুড়ো বলে—“দোষ কার
মনে মনে বোঝ,
তুমি দেবে ফুরিয়ে শীগ্গির
চাল ডাল রোজ্” ।
বুড়ী তখন রেগে গেছে
বুড়োর কথা শুনে,
বলে—“কাল সকালে খাওয়ান
ছাই নিয়ে উনুনে ।”
নাতনী তখন বেরিয়ে এসে
বলে হেসে বেশ,—
“ভাব তোমাদের দুজনের
দেখছি বটে সরেস্ ।”

মুছনা

ভোমরা যদি পার কেউ
পাঠক পাঠিকা,
ঠাকুরদাদা আর ঠাকুরমার
করো ব্যাখ্যা আর টীকা ।

মুর্ছনা

এককাত :

চক্রবর্তী “নবযুগে”

“বসুমতীর” আছে বোস,
“রূপ ও রঙ্গ” মরে ভুগে
পেয়ে ত্রিভু “চন্দ্র” দোষ ।

আখড়াধারী “অবতার”

সীতারামের নিয়ে নাম,
নাড়া পেয়ে “জাগরণ”

এক পয়সা কল্পে দাম ।
‘শিশিরে’তে ভিজিয়ে দেছে
কলা নাট্যশালা,

“নাচঘরেতে” খেউড় গায়,
মিটিয়ে প্রাণের ঝালা ।

রঙ্গ দেখে “বঙ্গবাসী”—

অবাক হয়ে চায় !
“হিতবাদীর” হিত কথা
ফুঁয়ে উড়ে যায় .

সূচনা

“নায়ক” তখন বাকিয়ে গলা
চেষ্টা করে মাত্,
“হিন্দুস্থান” বলে—“আমরা
সবাই এক জাত।”
“আনন্দবাজার”
দিয়ে গৌরাঙ্গ দোহাই,
কবি বলে ব্যঙ্গ করে
এদের তুলনা মে নাই।

* জানেন্দ্রনাথ চক্রবর্তী। সত্যেন্দ্রনাথ বসু। পরশুরাম চট্টোপাধ্যায়
ও নির্মলচন্দ্র চক্র। “নবযুগ” “রূপ ও রস” “হিন্দুস্থান” এবং
“জাগরণ,” ইহাদের অস্তিত্ব বর্তমানে নাই। যে সময় উহারা সজীব ছিল
সেই সময় লিপিত হয়। কলা-ন টাশালা—আর্ট থিয়েটার।

মূৰ্ছনা

ফ্ৰ্যাঙ্গি ১

কর'ব আমি বিয়ে ওগো গোটা চারেক লম্বা বেঁটে ।

হবে অনুগত একান্ত,

থাবে আমানি আর পাস্ত,

বল্বে হেসে প্রাণকান্ত ;

পবিপাটী হয়ে শান্ত. খাট্বে শুধু কোমর এঁটে ।

হবে না ছড়কো কি ঘোরো,

তোমরা সবাই বারণ কোরো,

মাথা খাও পায়ে ধোরো ;

যেন বনের ফুল থাকে বনে চাঁদের আলোয় ফুটে ।

কর'ব আমি বিয়ে ওগো গোটা চারেক লম্বা বেঁটে ।



